

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-132 /11
Vareš, 30.06. 2011. godine

Z A P I S N I K
s 29. sjednice Općinskog vijeća Vareš,
održane 31.05. 2011. godine

Josip Malbašić – predsjedavajući Općinskog vijeća Vareš, otvorio je 29. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likčić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutna: Jelena Kuhač Odenwald

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, predsjednici političkih stranaka, direktor JKP d.o.o. Vareš Zafer Kamenjaš, direktor JU Dom zdravlja Vareš dr. Anto Jelić, predsjednik Upravnog odbora JU Dom zdravlja Vareš dr. Edhem Aščerija, direktorica JP Vareš-stan d.o.o. Vareš Željka Petrović, predsjednica Nadzornog odbora JP Vareš-stan d.o.o. Vareš Ružica Adanalić i predsjednik MZ Vareš Enver Fetišević.

Sekretar Općinskog vijeća izvijestio je Vijeće o realizaciji Zaključaka s 28. sjednice OV održane 28.04.2011. godine i dostavljenim odgovorima na vijećnička pitanja. Općinsko vijeće na 28. sjednici donijelo je 11 Zaključaka. Od tog broja 5 Zaključaka je realizovano, 4 Zaključka su u toku realizacije, a za 2 Zaključka Služba Općinskog vijeća nema podataka. Na 28. sjednici OV postavljeno je 14 vijećničkih pitanja, na 6 pitanja nadležne službe su u pisanoj formi dostavile odgovore podnosiocima pitanja, na 6 pitanja Općinski načelnik je dao usmeni odgovor na 28. sjednici OV, a na 2 vijećnička pitanja nadležni nisu dostavili odgovor.

Općinski načelnik Hamdo Fatić u okviru aktuelne problematike na području općine Vareš, za današnju sjednicu nije imao obraćanje. Napomenuo je da ako neko od vijećnika ima nešto aktuelno ili hitno o čemu bi se trebalo raspravljati, da se o tome raspravlja pod tačkom Tekuća pitanja.

Predsjedavajući OV pozvao je vijećnike koji nisu zadovoljni dobivenim odgovorima na postavljena vijećnička pitanja da se izjasne.

Vijećnik Džemo Kevrić izjasnio se da nije dobio odgovor na postavljeno vijećničko pitanje na 28. sjednici OV u vezi saniranja puta Striježevo-Kokošćici i traži od Općinskog načelnika da se krene sa sanacijom tog dijela puta, odnosno da Općinski načelnik odgovori da li će se raditi sanacija tog dijela puta.

Elvir Rožajac

1. U ime građana iz ulice Glavica, traži da se obezbjedi još jedan kontejner za smeće i spremište za kontejner?
2. Traži od nadležnih da se iznađe mogućnost i da se neregistrovana stara vozila koja se ne koriste, a zauzimaju veliki parking prostor u gradu, uklone sa parkinga?

Predsjedavajući OV stavio je na raspravu zapisnik sa 28. sjednice OV .

Nije bilo primjedbi i predsjedavajući OV stavio je na izjašnjavanje zapisnik sa 28. sjednice OV i nakon izjašnjavanja vijećnika konstatovao da je **zapisnik sa 28. sjednice OV jednoglasno usvojen**.

Na raspravu je stavljen prijedlog dnevnog reda iz poziva za 29. sjednicu OV.

Općinski načelnik Hamdo Fatić predložio je dopunu dnevnog reda za 29. sjednicu OV sa tačkama: Prijedlog Odluke o stavljanju van snage Odluke o osnivanju Zajedničkog općinskog pravobranilaštva i Prijedlog Rješenja o imenovanju zamjenika općinskog pravobranioca, o čemu je dao i usmeno obrazloženje.

Otvorena je rasprava o prijedlozima dopune dnevnog reda u kojoj su učestvovali vijećnici: Dženana Bešić, Mato Pavić, Elvir Rožajac, Džemo Kevrić i Jelena Zlobec.

Zaključena je rasprava i predsjedavajući OV stavio je na izjašnjavanje prijedlog Općinskog načelnika za dopunu dnevnog reda 29. sjednice OV sa tačkom „Prijedlog Odluke o stavljanju van snage Odluke o osnivanju Zajedničkog općinskog pravobraniteljstva“.

Nakon izjašnjavanja vijećnika, predsjedavajući OV je konstatovao da je **jednoglasno usvojen** predloženi prijedlog za dopunu dnevnog reda sa tačkom „Prijedlog Odluke o stavljanju van snage Odluke o osnivanju Zajedničkog općinskog pravobraniteljstva“.

Predsjedavajući OV stavio je na izjašnjavanje prijedlog Općinskog načelnika za dopunu dnevnog reda 29. sjednice OV sa tačkom „ Prijedlog Rješenja o imenovanju zamjenika općinskog pravobranioca“.

Nakon izjašnjavanja vijećnika, predsjedavajući OV je konstatovao da je sa **16 glasova „ZA“, 2 glasa „PROTIV“ i 1 „SUZDRŽANIM“ glasom usvojen** predloženi prijedlog za dopunu dnevnog reda sa tačkom „ Prijedlog Rješenja o imenovanju zamjenika općinskog pravobranioca“.

Predsjedavajući OV stavio je na izjašnjavanje prijedlog dnevnog reda iz poziva za 29. sjednicu OV sa dopunom i nakon izjašnjavanja konstatuje da je **jednoglasno usvojen s l i j e d e ć i**

Dnevni red

1. **Prijedlog Odluke o stavljanju van snage Odluke o osnivanju Zajedničkog općinskog pravobraniteljstva.**
2. **Nacrt Odluke o utvrđivanju Dana općine Vareš.**
3. **Prijedlog Rješenja o imenovanju zamjenika općinskog pravobranioca.**
4. **Prijedlog Rješenja o davanju saglasnosti MUSA SALEMU iz Budoželja općina Vareš, da može izvršiti promet nedovršenog stambenog objekta zajedno sa zemljištem.**
5. **Izvještaj o radu i poslovanju JKP d.o.o. Vareš za 2010. godinu.**
6. **Izvještaj o radu i poslovanju JP „Vareš-Stan“ d.o.o. Vareš za 2010. godinu.**
7. **Izvještaj o zdravstvenom stanju stanovništva i organizaciji zdravstva na području općine Vareš u 2010. godini.**

8. **Izvještaj o provođenju Zakona o upravljanju i održavanju stambenih i stambeno-poslovnih zgrada, podzakonskih akata, općinskih propisa i pojedinačnih akata.**
9. **Tekuća pitanja.**

Ad. 1.

(Prijedlog Odluke o stavljanju van snage Odluke o osnivanju Zajedničkog općinskog pravobraniteljstva.)

Nije bilo rasprave po ovoj tački dnevnog reda, i predsjedavajući OV stavio je na izjašnjavaње Prijedlog Odluke o stavljanju van snage Odluke o osnivanju Zajedničkog općinskog pravobraniteljstva.

Nakon izjašnjavaња vijećnika, predsjedavajući OV je konstatovao da je **jednoglasno usvojena**

Odluka o stavljanju van snage Odluke o osnivanju Zajedničkog općinskog pravobraniteljstva.

Ad. 2.

(Nacrt Odluke o utvrđivanju Dana općine Vareš.)

Komisija za statutarna pitanja i propise, na sjednici održanoj 19.05.2011. godine, jednoglasno je zaključila da nema primjedbi na Nacrt Odluke o utvrđivanju Dana općine Vareš.

Rusmir Berberović ispred predlagača dao je dodatno obrazloženje za ovu tačku dnevnog reda.

Otvorena je rasprava u kojoj su iznijeli stavove, prijedloge i primjedbe vijećnici: Elvir Rožajac, Džemo Kevrić, Dženana Bešić, Ivan Lučić, Mario Mirčić, predsjednik političke stranke Zdravko Marošević, te predsjedavajući OV Josip Malbašić koji je predložio **amandmane**:

- **da se član 2. briše, tako da član 3. postaje član 2.,**
- **da se u članu 3. brišu riječi „i postupak dodjele općinskih priznanja“.**

Na zahtjev vijećnika Ivana Lučića, predsjedavajući je održao kratki sastanak sa članovima Kolegija OV u vezi usaglašavanja oko datuma o utvrđivanju Dana općine Vareš.

Zaključena je rasprava i predsjedavajući OV pozvao je Općinskog načelnika kao predlagača da se izjasni o predloženim amandmanima.

Rusmir Berberović ispred predlagača izjasnio se da je predlagač prihvatio predložene amandmane.

Predsjedavajući OV je konstatovao da je stav većine, proizašao iz rasprave, da se predloži datum 16. 08. kao Dan općine Vareš.

Predsjedavajući OV stavio je na izjašnjavaње Nacrt Odluke o utvrđivanju Dana općine Vareš sa izmijenjenim datumom Dana općine Vareš, odnosno 12. maj zamjenjuje se sa 16. augustom.

Nakon izjašnjavaња vijećnika, predsjedavajući OV konstatuje da sa **13 glasova „ZA“ i 6 glasova „PROTIV“ nije usvojen** Nacrt Odluke o utvrđivanju Dana općine Vareš.

Ad. 3.

(Prijedlog Rješenja o imenovanju zamjenika općinskog pravobranitioca.)

Otvorena je rasprava u kojoj je sekretar OV Leon Pavlović kao predsjednik Komisije za izbor u regulirane organe, upoznao prisutne sa stavom Komisije. (Komisija je utvrdila da prijavljeni

kandidat ne ispunjava posebne uslove iz Javnog oglasa, nema potvrdu – dokaz o potrebnom radnom stažu i u vezi s tim Komisija nije išla u dalju proceduru o čemu je upoznat i Općinski načelnik). Također je podsjetio prisutne na dužnosti i obaveze sekretara Općinskog vijeća, da je sekretar OV dužan upozoriti Općinsko vijeće, njegova radna tijela i Općinskog načelnika na obavezu poštivanja ustavnosti i zakonitosti kod predlaganja i donošenja odluka, drugih propisa i općih akata od strane OV.

Predsjedavajući OV je konstatovao da je Općinsko vijeće zvanično upozoreno od strane sekretara OV, da bi usvajanje gore navedenog Rješenja bilo suprotno Zakonu.

U raspravi su učestvovali vijećnici: Elvir Rožajac, Džemo Kevrić, Ismet Abdulahović, predsjedavajući OV Josip Malbašić, Općinski načelnik, predsjednici političkih stranaka Branko Romić i Zdravko Marošević.

Zaključena je rasprava i predsjedavajući OV stavio je na izjašnjanje Prijedlog Rješenja o imenovanju zamjenika općinskog pravobranioca.

Nakon izjašnjanja vijećnika predsjedavajući OV je konstatovao da je sa **13 glasova „ZA“**, 2 glasa „**PROTIV**“ i 4 „**SUZDRŽANA**“ glasa **usvojeno**

***Rješenje o imenovanju
zamjenika općinskog pravobranioca.***

Ad. 4.

*(Prijedlog Rješenja o davanju saglasnosti
MUSA SALEMU iz Budoželja općina Vareš da može izvršiti
promet nedovršenog stambenog objekta zajedno sa zemljištem.)*

Nije bilo rasprave i predsjedavajući OV stavio je na izjašnjanje Prijedlog Rješenja o davanju saglasnosti MUSA SALEMU iz Budoželja općina Vareš da može izvršiti promet nedovršenog stambenog objekta zajedno sa zemljištem.

Nakon izjašnjanja vijećnika predsjedavajući OV je konstatovao da je **jednoglasno usvojeno**

***Rješenje o davanju saglasnosti MUSA SALEMU
iz Budoželja općina Vareš da može izvršiti promet
nedovršenog stambenog objekta zajedno sa zemljištem.***

Ad. 5.

*(Izvještaj o radu i poslovanju
JKP d.o.o. Vareš za 2010. godinu.)*

Predlagač nije imao dodatno obrazloženje za ovu tačku dnevnog reda.

Nije bilo rasprave i predsjedavajući OV stavio je na izjašnjanje Izvještaj o radu i poslovanju JKP d.o.o. Vareš za 2010. godinu.

Nakon izjašnjanja vijećnika predsjedavajući OV konstatuje da je sa **16 glasova „ZA“** i 3 „**SUZDRŽANA**“ glasa **usvojen**

***Izvještaj o radu i poslovanju
JKP d.o.o. Vareš za 2010. godinu.***

Ad. 6.

*(Izvještaj o radu i poslovanju
JP „Vareš-stan“ d.o.o. Vareš za 2010. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je učestvovali vijećnici: Ivan Lučić, Elvir Rožajac, Mato Pavić, Mario Mirčić, Milan Knežević, Jelena Zlobec, Jasmin Salketić, Džemo Kevrić, Dženana Bešić, Ivan Lučić i Džemo Kevrić, te predsjedavajući OV Josip Malbašić, Općinski načelnik Hamdo Fatić, pomoćnik načelnika Ermin Musa, predsjednik političke stranke Branko Romić i direktorica JP „Vareš-
stan“ d.o.o. Vareš koja je odgovorila na neka postavljena pitanja vijećnika u raspravi i dala objašnjenja za određene probleme.

Zaključena je rasprava i predsjedavajući OV stavio je na izjašnjanje Izvještaj o radu i poslovanju JP „Vareš-
stan“ d.o.o. Vareš za 2010. godinu.

Nakon izjašnjanja vijećnika predsjedavajući OV je konstatovao da je **jednoglasno usvojen**

***Izvještaj o radu i poslovanju
JP „Vareš-
stan“ d.o.o. Vareš za 2010. godinu.***

Predsjedavajući OV stavio je na izjašnjanje i prijedlog

Zaključka:

- **Obavezuje se Općinski načelnik da hitno formira Komisiju za realizaciju Zaključka sa 19. sjednice OV od 03.06.2010. godine, koja je u obavezi da u roku od 60 dana, o rezultatima svoga rada, obavijesti Općinsko vijeće.**

Nakon izjašnjanja vijećnika, predsjedavajući OV je konstatovao da je predloženi Zaključak **jednoglasno usvojen.**

Ad. 7.

*(Izvještaj o zdravstvenom stanju
stanovništva i organizaciji zdravstva na
području općine Vareš za 2010. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge i sugestije iznijeli vijećnici: Ivan Lučić, Jasmin Salketić, Elvir Rožajac, Kenan Kamenjaš, Jelena Zlobec, Željko Matić, predsjedavajući OV Josip Malbašić, te direktor JU Doma zdravlja Vareš dr. Anto Jelić i predsjednik Upravnog odbora JU Dom zdravlja Vareš dr. Edhem Aščerija koji su odgovorili na postavljena pitanja vijećnika u raspravi i dali objašnjenja za neke prijedloge predložene u raspravi.

Zaključena je rasprava i predsjedavajući OV stavio je na izjašnjanje Izvještaj o zdravstvenom stanju stanovništva i organizaciji zdravstva na području općine Vareš za 2010. godinu.

Nakon izjašnjanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojen**

***Izvještaj o zdravstvenom stanju
stanovništva i organizaciji zdravstva na
području općine Vareš za 2010. godinu.***

Ad. 8.

*(Izvještaj o provođenju Zakona o upravljanju i održavanju
stambenih i stambeno-poslovnih zgrada,
podzakonskih akata, općinskih propisa i pojedinačnih akata.)*

Predlagač nije imao dodatno obrazloženje za ovu tačku dnevnog reda,

Otvorena je rasprava u kojoj je svoje primjedbe i sugestije iznio vijećnik Ivan Lučić.

Zaključena je rasprava i predsjedavajući OV stavio je na izjašnjavaње Izvještaj o provođenju Zakona o upravljanju i održavanju stambenih i stambeno-poslovnih zgrada, podzakonskih akata, općinskih propisa i pojedinačnih akata.

Nakon izjašnjavaња vijećnika predsjedavajući OV je konstatovao da je **jednoglasno usvojen**

***Izvještaj o provođenju Zakona o upravljanju i održavanju
stambenih i stambeno-poslovnih zgrada,
podzakonskih akata općinskih propisa i pojedinačnih akata.***

Ad. 9.

(Tekuća pitanja.)

1. Predsjedavajući OV upoznao je prisutne da je Općinsko vijeće Vareš dobilo presudu Kantonalnog suda Zenica u sporu tužitelja MZ Dabravine, općina Vareš kojom se tužba uvažava, osporeni akt tuženog Općinskog vijeća Vareš broj 01-217/09 od 08.10. 2009. godine se poništava i predmet vraća tuženom organu na ponovni postupak. Predsjedavajući OV je obavijestio prisutne, da svi oni koji žele da imaju uvid u cijeli sadržaj presude, mogu se obratiti sekretaru OV. Također je upoznao prisutne da je Općinsko vijeće Vareš dobilo i akt-Zapisnik sa Zbora građana MZ Dabravine, općina Vareš od 12.05. 2011. godine u kome oni insistiraju da se u roku od sedam (7) dana izvrši primopredaja vodovoda sa JKP d.o.o. Vareš ili će oni to uraditi sami, razvaljivanjem katanaca na šahtovima.

Predsjedavajući OV pozvao je Općinskog načelnika da upozna Vijeće o tome šta je poduzeto u skladu sa ovom presudom Kantonalnog suda u Zenici.

Ispred Općinskog načelnika, Ermin Musa pomoćnik načelnika obratio se Vijeću i upoznao prisutne o radnjama koje je Općina Vareš poduzela nakon dostavljanja presude od Kantonalnog suda Zenica:

- Općina Vareš uputila je zahtjev Vrhovnom sudu FBiH za vanredno preispitivanje sudske odluke Kantonalnog suda u Zenici,
- Paralelno s tim Općina Vareš je pokrenula ponovni postupak i Mjesnoj zajednici Dabravine nadležna služba uputila je zahtjev za dostavljanje dokumentacije koja je potrebna za provođenje ponovnog postupka,
- Upućen je pismeni akt-obavijest Savjetu MZ Dabravine, općina Vareš o poduzetim aktivnostima koje su provedene na osnovu njihovog Zapisnika sa Zbora građana i u kome su zamoljeni da se uzdrže od samovoljnog provođenja bilo kakvih mjera, kao i mjera opisanih u zapisniku Zbora građana MZ Dabravine, odnosno odvaljivanja katanaca na šahtovima vodovoda, do donošenja konačne odluke Vrhovnog suda FBiH.

U raspravi su učestvovali vijećnici: Ismet Abdulahović, Jasmin Salketić, Elvir Rožajac, Kenan Kamenjaš, Dženana Bešić, Mario Mirčić, predsjedavajući OV Josip Malbašić, Općinski načelnik Hamdo Fatić i sekretar OV Leon Pavlović.

Zaključena je rasprava i predsjedavajući OV predložio je i stavio na izjašnjavaње

Zaključak:

- **Obavezuje se Općinski načelnik da nastavi daljnju proceduru u skladu sa presudom Kantonalnog suda u Zenici, da pokrene kaznenu prijavu protiv onih koji su obmanuli Općinsko vijeće Vareš i doveli Vijeće u poziciju da donese protuzakonitu odluku, a mještanima MZ Dabravine, općina Vareš apelira se da se suzdrže od bilo kakvih samoinicijativnih aktivnosti.**

Nakon izjašnjavaња vijećnika, predsjedavajući OV konstatuje da sa **9 glasova „ZA“, 4 glasa „PROTIV“ i 4 „SUZDRŽANA“ glasa predloženi Zaključak nije usvojen.**

2. Predsjedavajući OV upoznao je prisutne da je Općinskom vijeću Vareš i Općinskom načelniku upućen zahtjev od strane otpuštenih pripadnika OS BiH, u kome traže jednokratnu novčanu pomoć. Sa sadržajem dopisa upoznato je Vijeće.
Predsjedavajući OV predložio je

Zaključak:

- **Obavezuje se Općinski načelnik da u okviru raspoloživih sredstava pokuša osigurati jednokratnu novčanu pomoć za otpuštene pripadnike OS BiH.**

Predsjedavajući OV stavio je na izjašnjavanje predloženi Zaključak, te nakon izjašnjavanja vijećnika konstatuje da je sa **13 glasova „ZA“ i 2 „SUZDRŽANA“ glasa predloženi Zaključak usvojen.**

3. Predsjedavajući OV upoznao je prisutne da je Općinskom vijeću Vareš upućen dopis od strane grupe građana stambenih objekata: 20-obiteljska, Zvijezda, penzionerska, potočka, „C“ objekata i zgrade iznad Biroa za zapošljavanje i privatnih kuća, u kome traže da se izvrši adaptacija i dovede u ljepši izgled jedina u gradu prirodna česma „TOPLIK“. Predsjedavajući OV je izvijestio Vijeće da je dopis dobio i Općinski načelnik i da ovaj problem treba da riješi Izvršna vlast, a ne Općinsko vijeće.

Predsjedavajući OV predložio je

Zaključak:

- **Zahtjev od strane grupe građana 20-obiteljske dostavlja se Općinskom načelniku na znanje, u svrhu rješavanja njihovog zahtjeva u okviru svojih mogućnosti.**

Nakon izjašnjavanja vijećnika, predsjedavajući OV konstatuje da je predloženi Zaključak **jednoglasno usvojen.**

4. Predsjedavajući OV u svoje lično ime predložio je Vijeću Inicijative o čemu je dao i usmeno obrazloženje:

- a) Inicijativa za dopunu Odluke o osnivanju Mjesnih zajednica
Nije bilo rasprave i predsjedavajući OV predložio je

Zaključak:

- **Obavezuje se Općinski načelnik da u roku od 90 dana pripremi Prijedlog Odluke o dopuni Odluke o osnivanju Mjesnih zajednica u skladu sa članom 24. Zakona o principima lokalne samouprave u FBiH.**

Nakon izjašnjavanja vijećnika predsjedavajući OV konstatuje da je Inicijativa o dopuni Odluke o osnivanju Mjesnih zajednica uz predloženi Zaključak **jednoglasno usvojena.**

- b) Inicijativa za traženje kompletnog Izvještaja o implementaciji ulaganja u putnu infrastrukturu na području općine Vareš.

Nije bilo rasprave i predsjedavajući OV predložio je

Zaključak:

- **Općinsko vijeće prihvća Inicijativu i da se do naredne sjednice Općinskom vijeću dostavi kompletan Izvještaj o implementaciji ulaganja u putnu infrastrukturu, u kojima je Općina Vareš određena za implementatora, sa svim pokazateljima, o rokovima, provođenju tendera i svim ostalim radnjama, tako da bi se Vijeće zvanično upoznao sa tim projektima i do koje je mjere izvršena realizacija tih projekata.**

Nakon izjašnjavanja vijećnika, predsjedavajući OV konstatuje da su predložena Inicijativa i Zaključak **jednoglasno usvojeni.**

5. Vijećnik Ivan Lučić podsjetio je prisutne na donesenu Odluku o vrijednosti boda komunalne naknade i finansiranju komunalne djelatnosti, odnosno na Zaključak OV kojim su Rješenja za plaćanje komunalne naknade, obveznicima trebala biti podijeljena do kraja I kvartala tekuće

godine. Sugerije da se moraju poduzeti određene mjere da se u potpunosti ispoštuje Odluka i Program koje je Vijeće donijelo.

Nije bilo rasprave i predsjedavajući OV predložio je

Zaključak:

- **Općinsko vijeće nalaže Općinskom načelniku da se Odluka o komunalnim naknadama i finansiranju komunalne djelatnosti u potpunosti i neselektivno primjeni na sve obveznike te Odluke.**

Nakon izjašnjavanja vijećnika predsjedavajući konstatuje da je sa **14 glasova „ZA“ i 2 „SUZDRŽANA“ glasa predloženi Zaključak usvojen.**

6. Vijećnik Mario Mirčić je podsjetio na pitanje koje je postavio na 21. sjednicu OV u vezi postavljenja ograde na raskrsnici u Tisovcima i u naselju Kolonija, općina Vareš. Ponovo traži da se u što kraćem roku postave ograde i da se na Tisovcima, zbog izuzetno nepregledne raskrsnice, postavi saobraćajni znak koji označava put sa prvenstvom prolaza, jer se tu često događaju prometne nezgode.

Nije bilo rasprave i predsjedavajući OV predložio je

Zaključak:

- **Općinsko vijeće prihvata Inicijativu vijećnika Maria Mirčića i obavezuje se Općinski načelnik da problem raskrsnica na Pržićima i Tisovcima riješi u narednih mjesec dana.**

Nakon izjašnjavanja vijećnika predsjedavajući OV konstatuje da je predloženi Zaključak **jednoglasno usvojen.**

7. Vijećnik Mato Pavić u ime građana naselja Selište, općina Vareš iznio je problem u vezi gradske rasvjete.

Otvorena je rasprava u kojoj su učestvovali: vijećnik Ivan Lučić i pomoćnik načelnika Rusmir Berberović.

Zaključena je rasprava i predsjedavajući OV predložio je

Zaključak:

- **Pošto je zakonska obaveza Općine da osigura javnu rasvjetu na gradskom području, Općinsko vijeće traži od Općinskog načelnika da do naredne sjednice OV predloži način na koji će se ubuduće raditi po pitanju rasvjete, a pojedinačne tehničke nedostatke da u saradnji sa Elektrodistribucijom Vareš pokuša riješiti. (Rok do kraja juna mjeseca tekuće godine)**

Nakon izjašnjavanja vijećnika predsjedavajući OV konstatuje da je predloženi Zaključak **jednoglasno usvojen.**

8. Vijećnica Dženana Bešić podsjetila je Vijeće na akt koji je upućen Ministarstvu za boračka pitanja ZE-DO kantona po Zaključku Vijeća u vezi traženja povećanja broja stipendija studentima općine Vareš. Informisala je Vijeće da je odobreno još 17 stipendija za studente općine Vareš od strane Ministarstva, odnosno gosp. ministra Suada Omerašević.

9. Vijećnica Jelena Zlobec traži od Općinskog načelnika da hitno riješi problem koji se odnosi na objekat „Pošta“ ul Put mira, a u vezi crijepa na krovu objekta koji prijeti da se obruši i koji ugrožava sigurnost prolaznika.

Predsjedavajući OV predložio je

Zaključak:

- **Obavezuje se Općinski načelnik da hitno uputi komunalnog-građevinskog inspektora na navedenu lokaciju (ul. Put mira objekat „Pošta“) i da donesu rješenje da se ova potencijalna opasnost za prolaznike ukloni.**

Nakon izjašnjavanja vijećnika predsjedavajući OV konstatuje da je predloženi Zaključak **jednoglasno usvojen.**

Rusmir Berberović pomoćnik načelnika upoznao je prisutne da će se u četvrtak 02.06.2011. godine, u velikoj sali Općine Vareš održati promocija Turističkih materijala i pozvao sve prisutne da se odazovu pozivu.

Sjednica je završena u 15,00 sati i 15 minuta.

S E K R E T A R

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović